



Pavilion Malaysia

Tema:
“Menjalin Masa Depan
Dalam Harmoni”

Alami pengalaman unik menerusi
masakan bertaraf dunia,
persembahan kebudayaan,
permainan tradisional dan
kraftangan warisan

Ambil bahagian di dalam
mesyuarat perniagaan,
seminar dan perbincangan panel
yang bermanfaat dan berinformasi

Tingkat Tiga
Teras Atas Bumbung
dengan Pemandangan
Panorama, Ruang
Istirehat VVIP dan
Pentas Mini

Tingkat Dua
Dewan Kebudayaan
dan Dewan Kemajuan

Tingkat Satu
Dewan Kelestarian,
Pokok Harmoni,
Dewan Perniagaan,
Pentas Utama,
Kafe & Runcit



Ikuti kami di Instagram
@expo2025_malaysia

Menuju Masa Depan Gemilang untuk Semua

EXPO 2025

OSAKA, KANSAI, JEPUN



Tema: Merancang Masyarakat Masa Depan untuk Kehidupan Kita

Expo 2025 Osaka, Kansai, Jepun akan menjadi peluang bagi dunia untuk bersatu di satu tempat di bawah tema "Kehidupan". Kami berharap Expo ini akan menjadi platform untuk bertukar nilai-nilai yang pelbagai dari seluruh dunia, menggalakkan hubungan dan inovasi baharu, mengatasi cabaran global, serta melindungi kehidupan. Dengan merenung kembali tentang hakikat kehidupan dan cara kita menjalani kehidupan, kami berharap Expo ini dapat mempersembahkan visi harapan bagi masa depan.

Tempoh:
Ahad, 13 April – Isnin, 13 Oktober 2025

Lokasi:
Pulau Yumeshima, Osaka

Waktu Operasi:
9:00 pagi – 10:00 malam



Expo 2025 Osaka, Kansai, Jepun

Laman Web Rasmi

Expo 2025



Beli Tiket



Tiket
Berkumpulan




Pavilions



Kalendar
Acara



Risalah ini telah disediakan oleh para peserta Program Latihan Acara Antarabangsa untuk Negara-Negara ASEAN yang dianjurkan oleh Kementerian Ekonomi, Perdagangan dan Industri (METI) dengan sokongan Persatuan Jepun untuk Ekspo Dunia 2025 dan Organisasi Pelancongan Kebangsaan Jepun (JNTO).



Explore the Theme
of the Expo
on your trip!

Mari jelajah permata tersembunyi Jepun!



Keindahan Desa di Teluk Ine KYOTO



Teluk Ine

Akses daripada Osaka

Kereta api : 3jam 45minit

Kereta : 2jam 30minit

Terletak di utara Kyoto, Teluk Ine merupakan perkampungan nelayan yang terkenal dengan rumah-rumah bot unik "Funaya". Pelancong dapat menghayati suasana aman dan tenang Teluk Ine dengan menaiki feri persiaran atau e-basikal.



Danau-danau Berkilau di Tasik Mikata FUKUI



Teres Goko & Tasik Mikata

Akses daripada Osaka

Kereta api : 4 jam 30 minit

Kereta : 2 jam 30 minit

Tasik Mikata terdiri daripada 5 danau – Mikatako, Suigetsuko, Sugako, Kugushiko, dan Hirugako. Pemandangan indah Tasik Mikata dapat dinikmati daripada Teres Goko, dengan ketinggian 400 meter dari aras laut. Teres Goko, dilengkapi dengan kafe dan taman bunga, merupakan tempat berehat yang terbaik untuk para pelancong.



Sang Naga Hijau di Amanohashidate KYOTO



Amanohashidate

Akses daripada Osaka:

Kereta api : 2 jam 50 minit

Kereta : 2 jam

Amanohashidate adalah jambatan semula jadi yang menyambung kedua-dua belah Teluk Miyazu. Pelancong dapat menikmati pemandangan indah tempat ini daripada Amanohashidate View Land. Daripada sudut pandang yang tinggi, Amanohashidate kelihatan seperti naga hijau!



Padang Pasir di Jepun?! TOTTORI



Beting Pasir Tottori dan Muzium Pasir

Akses daripada Osaka

Kereta api : 3 jam 30 minit

Kereta : 2 jam 40 minit



Dengan saiz sepanjang 14 km dan selebar 2.4km, Beting Pasir Tottori merupakan beting pasir terbesar di Jepun dan merupakan sebahagian daripada UNESCO Global Geoparks. Selain itu, terdapat juga Muzium Pasir yang mempamerkan arca-arca yang diperbuat 100% daripada pasir.

Bencana Gempa Bumi, Bagaimana Harus Ditangani? FUKUSHIMA



Muzium Peringatan Bencana Nuklear dan Gempa Bumi Jepun Timur

Akses daripada Osaka

Kapal terbang : 1 jam 5 minit +

Kereta : 1 jam 30 minit



Pada tahun 2011, Jepun telah mengalami gempa bumi paling kuat yang pernah direkodkan di negara ini. Melalui muzium ini, para pelawat dapat mengetahui bagaimana Jepun menangani bencana ini dan membangunkan semula daerah Fukushima.

Nikmati makanan laut hasil tangkapan Ama (Wanita Laut) MIE



Hachimankamado

Akses daripada Osaka

Kereta api : 3.5 jam

Kereta : 3 jam

Sejak ribuan tahun dahulu, wanita-wanita bergelar Ama di Jepun telah menyelam untuk menangkap hasil laut seperti abalon dan mutiara. Di Hachimankamado, pelancong dapat menjamah makanan laut segar, menari tarian tradisional bersama Ama dan mendengar cerita pengalaman menarik mereka.



Enaknya Soba Hasil Air Tangan Sendiri! FUKUI



Echizen Soba

Akses daripada Osaka


Kereta api : 2 jam 40 minit

Kereta : 2 jam 40 minit

Echizen Soba Village merupakan pakar pembuat soba yang telah ditubuhkan semenjak 2002. Di sini, para pelancong berpeluang untuk belajar teknik membuat soba dan merasai sendiri hasil air tangan mereka!



Selami Suasana Kehidupan di Jepun Pada Zaman Edo GIFU



Takayama dan Sanmachi

Akses daripada Osaka

Kereta api : 4 jam

Kereta : 4 jam

Kawasan-kawasan Sanmachi, Oshinmachi, dan Shimoni-no-machi di Takayama masih mengekalkan suasana zaman Edo (1603-1867) dan merupakan "Kawasan Pemuliharaan Kumpulan Bangunan Tradisional". Pelancong boleh berjalan-jalan di sekitar bandar, sambil menikmati seni bina bersejarah.

